



«ԻՆՏԵՐԱԿՏԻՎ ԿՐԹՈՒԹՅԱՆ
ԶԱՐԳԱՑՈՒՄ»
ՀԻՄՆԱԴՐԱՄ



ՀԵՐԹԱԿԱՆ ԱՏԵՍԱՎՈՐՄԱՆ ԵՆԹԱԿԱ
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ ԴԱՍԸՆԹԱՑ
2023

ՀԵՏԱԶՈՏԱԿԱՆ ԱՇԽԱՏԱՆՔ

ԹԵՄԱ - Է. ՀԵՄԻՆԳՈՒԵՅԻ «ԾԵՐՈՒՆԻՆ և ԾՈՎԸ»

ՎԻՊԱԿԻ ՈՒՍՈՒՑՄԱՆ ՄԵԹՈԴՆԵՐԸ

ԱՌԱՐԿԱ - ԳՐԱԿԱՆՈՒԹՅՈՒՆ

ՀԵՂԻՆԱԿ - ՍԻՐԱՄԱՐԳ ՊԱՐԶՅԱՆ

ՄԱՐԶ - ք.ԵՐԵՎԱՆ

ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆ - ԵՐԵՎԱՆԻ հ.

125 ՀԻՄՆԱԿԱՆ ԴՊՐՈՑ



ԲՈՎԱՆԴԱԿՈՒԹՅՈՒՆ

Մուտքի խոսք.....	3
Գլուխ Ա: Կենսագրության ուսուցումը.....	6
Գլուխ Բ: Մարդն ու բնությունը «Ծերունին և ծովը» վիպակում.....	8
Գլուխ Գ: Վեպի դիպաշարն ու գաղափարական բովանդակությունը.....	9
Գլուխ Դ: Վիպակի կերպարները: Գեղարվեստական արժանիքները.....	13
Գլուխ Ե: Ամփոփում.....	18
Օգտագործված գրականության ցանկ.....	25

Մուտքի խոսք

Էռնեստ Հեմինգուեյի «Օերունին և ծովը» վիպակը հանրակրթական դպրոցներում ուսումնասիրվում է 8-րդ դասարանում հինգ կամ վեց դասաժամով, որոնցից մեկ դասաժամ հատկացվում է գրողի կենսագրությանը, վիպակի ժանրային առանձնահատկությունների ուսուցմանը:

Գրականության դասերին նորագույն մեթոդների ու հնարների հմտորեն կիրառումը մշտապես կարևոր բաղադրիչ է հանդիսացել ուսուցման նպատակին հասնելու համար: Մեթոդների ու հնարների բազմազանության մեջ ուսուցիչը պիտի կարողանա ընտրել թեմային համապատասխանող, համեմատաբար ավելի արդյունավետ, հետաքրքիր, ինչպես նաև սովորողների վերլուծական- քննադատական մտածողությունը զարգացնող միջոցներ, գործիքներ, թվային ռեսուրսներ: Արդյունավետ մեթոդների ընտրությունից է կախված առաջադրված նպատակի իրականացումը:

«Օերունին և ծովը» վիպակի դասավանդման մեթոդները կարող են լինել բազմաշերտ ու ընդգրկուն, ինչպիսին ստեղծագործությունն է: Թեման ուսումնասիրելիս խորհուրդ է տրվում առաջնորդվել ԽԻԿ համակարգով և աշակերտակենտրոն սկզբունքով, ուշադրություն դարձնել խաչվող կամ ընդհանրական հասկացություններին: Եռափուլ համակարգի առանձին փուլերում կիրառել համապատասխան մեթոդներ ու հնարներ, առաջադրանքներ: Դրանք հմտորեն համադրելու և նպատակահարմար կիրառելու դեպքում ուսուցիչը առավելագույն արդյունքի կհասնի: Պարտադիր չէ, որ այս աշխատանքում ընդգրկված բոլոր մեթոդներն ու հնարները կիրառվեն վերջնարդյունքի հասնելու համար: Գրականության ուսուցիչը կարող է դրանցից մի քանիսը հաջողությամբ կիրառել կամ դասը պլանավորելիս համատեղել իր նախընտրած մեթոդի հետ և հասնել ցանկալի արդյունքի:



Յուրաքանչյուր դասի սկզբում գրատախտակին կարելի է գրել դասի նպատակներն ու վերջնարդյունքները, որպեսզի աշակերտներն ուշադիր լինեն և հստակ իմանան իրենց անելիքները:

Թեման ուսուցանելիս մի քանի դասաժամի ընթացքում առաջնորդվել հետևյալ նպատակներով՝

- Իմանա վիպակի՝ որպես պատմողական ժանրի ստեղծագործության առանձնահատկությունները:
- Իմանա հեղինակի կյանքի ու գործի մասին ընդհանուր տեղեկություններ:
- Կարողանա վարժ և արտահայտիչ կարդալ գրական տեքստը:
- Ցույց տա դեպքերի հաջորդական ընթացքը:
- Հասկանա և վեր հանի վիպակի գլխավոր գաղափարը և մեկնաբանի այն:
- Մեկնաբանի վիպակի հիմնական գաղափարը:
- Վերլուծի գրական կերպարները, բացատրի դրա զարգացումը:
- Գտնի տեքստում եղած խորհրդանիշներն ու մեկնաբանի դրանք:
- Ներկայացնի տեքստում հանդիպող տեղանքի, կենդանիների մասին տեղեկություններ:
- Կատարի բառային աշխատանք՝ անձանոթ բառերի դուրսգրում, բացատրությունների որոնում, հոմանիշային շարքերի կազմում, բառերի թեմատիկ խմբավորում:

Սովորողի դիրքորոշումը

- Առանձնացնի հերոսի բնավորության գծերը:
- Արժևորի երազանքի հետևից գնալու գաղափարը:
- Հասկանա և արժևորի այլ ազգերի մշակույթը :

- Գնահատի արտասահմանյան գրականության դերը որպես տարբեր երկրների ու ժողովուրդների մշակույթին ծանոթանալու միջոց:
- Արտահայտի սեփական հիմնավորված դիրքորոշումը:
- Բացատրի սեփական մոտեցումները՝ արժևորելով մյուսների տեսակետներն ու մոտեցումները:

Վերջնարդյունքներ


- Ներկայացնի տեքստի կառուցվածքը, վերլուծի երկի վերնագրի կապը բովանդակության հետ:
- Վեր հանի՝ ինչ կերպ է տեքստում արտահայտվում հույզը, զգացմունքը, ապրումը:
- Կարողանա վերարտադրել տեքստի հիմնական գաղափարն ու բովանդակությունը:
- Դուրս գրի յուրաքանչյուր կերպարին բնութագրող հատվածները:
- Կարողանա տեքստում գտնել խորհրդանիշները և մեկնաբանել դրանք:
- Հարստացնի բառապաշարը

ԳԼՈՒԽ Ա

Էռնեստ Հենինգուեյ

1899-1961

Մարդուն կարելի է ոչնչացնել,
բայց հաղթելն անկարելի է:



Կենսագրության ուսուցումը: Գաղափար վիպակի մասին:

Նախապես սովորողներին հանձնարարում եմ տարբեր աղբյուրներից տեղեկություններ ու հետաքրքիր փաստեր հավաքել աշխարհահռչակ գրողի մասին, դիտել «Ծերունին և ծովը» վիպակի էկրանավորումը: Այնուհետև բոլորի ներկայացրած տվյալների հիման վրա հավաքում ենք մեկ ամբողջական ոչ շատ ծավալուն տեքստ: Կենսագրությունը ներկայացնում են հատվածաբար, մեկնաբանում ծագած հարցերը:

Ա2.- Ամերիկյան գրող Էռնեստ Հենինգուեյը 20-րդ դարի համաշխարհային գրականության առաջնակարգ դեմքերից մեկն է: Նա Նոբելյան մրցանակակիր է: Այդ բարձրագույն մրցանակի նա արժանացել է 1954թ. «Ծերունին և ծովը» վիպակի համար:

Ա2.- Ծնվել է 1899թ. հուլիսի 21-ին ԱՄՆ-ի Իլինոյս նահանգում: Զբաղվել է լրագրական գործունեությամբ: Որպես թղթակից եղել է Եվրոպայում, ապրել է նաև Փարիզում: Փարիզյան կյանքի մասին է «Տոն, որ միշտ քեզ հետ է» հուշագրությունը:

Ա2.- Նա մասնակցել է Առաջին և Երկրորդ համաշխարհային պատերազմներին, ինչպես նաև Իսպանիայի քաղաքացիական պարտերազմին: Նա դարձավ պատերազմից հուսահատ ներգաղթյալ հասարակության, այսպես կոչված, «կորուսյալ սերնդի» գրողը: Առաջին գիրքը «Մեր ժամանակներում» կոչվող պատմվածքների ժողովածուն է, որտեղ մանկության ու պատանեկության տարիների հուշերի կողքին տեղ են գտել նաև պատերազմի թեմաներով գրված պատմվածքներ: Պատերազմի թեման իր արտացոլումն է գտել նաև Հենինգուեյի հետագա ստեղծագործություններում: Այդ գործերից ամենանշանակալիցը նրա «Հրաժեշտ զենքին» վեպն էր, որը լայն տարածում գտավ աշխարհի բազմահազար ընթերցողների շրջանում՝ մեծ հռչակ բերելով գրողին: Ուշագրավ են նաև նրա «Կիլիմանջարոյի ձյունները», «Մադրիդի վարորդները», «Կղզի օվկիանոսում»

ստեղծագործությունները: Հրատարակել է յոթ վեպ, պատմվածքների վեց ժողովածու և երկու ոչ գեղարվեստական աշխատություն:

Ա2.- Ազատ ժամերին Հեմինգուեյը սիրում էր զբաղվել որսորդությամբ, հասկապես ձկնորսությամբ: «Ծերունին և ծովը» վիպակի գլխավոր հերոսը՝ Սանտյագոն, ինչ-որ չափով հիշեցնում է Հեմինգուեյին իր կենսափորձով և կյանքի դժվարությունները հաղթահարելու կարողությամբ: «Մարդն ստեղծված չէ պարտություններին դիմանալու համար: Մարդուն կարելի է ոչնչացնել, բայց հաղթելն անկարելի է»¹: Ինքը՝ Հեմինգուեյը, լինելով լրագրող, որսորդ, նավաստի, ձկնորս, ճամփորդ, զինվոր, ում մարմինը ամբողջովին ծածկված է սպիներով, ի հիասթափություն բոլորի, «չկովեց» մինչև վերջ: Այնուամենայնիվ գրողը չդավաճանեց իր իդեալներին: «Տղամարդն իրավունք չունի անկողնում մահանալ,-ասում էր նա,- կա՛մ կովում, կա՛մ էլ՝ հրագենի գնդակից»:

1961 թ. հուլիսին նա ինքնասպան է լինում նույն հրացանով, ինչով գրողի հայրն էր ինքնասպան եղել:

Ա2.- Հետաքրքիր փաստեր

Մի անգամ Հեմինգուեյը գրագ եկավ, որ վեց բառանոց պատմվածք կհորինի, որը նախկինում բոլոր գրվածներից կլինի ամենահուզիչը: Նա հաղթեց գրագը:

«Վաճառվում են մանկական կոշիկներ՝ երբեք չհագած» (անգլերեն՝ «For sale: baby shoes, never used.»²):

Ա2.- Հեմինգուեյը «Զմյուռնիայի նավահանգիստը» պատմվածքում պատմում է հայերի, հույների ցեղասպանության մասին, դատապարտում թուրքերի կազմակերպած կոտորածները: Նա կարևորում է ոչ թե ազգությունը, այլ մարդուն, որը պիտի ապրի և գնա իր երազանքների ետևից:

Ա2.- Հեմինգուեյը Վիլյամ Սարոյանի մասին ասել է. «Գիտեք, նա մի գրական առավելություն ունի բոլորիս հանդեպ. դա նրա հայ լինելն է»:

Ա2.- «Ծերունին և ծովը» վիպակը գրելու միտքը ծագել է 1930-ական թվականներին: Մի ամսագրում տպագրվում է հոդված, որտեղ ներկայացված էր լեգենդար վիպակի մոտավոր ֆարուլան: Ծեր ձկնորսը դուրս է գալիս ծով և մի քանի օր առանց քնի և սննդի պայքարում է հսկա ձկան հետ, բայց շնաձկներն ուտում են ձկնորսի որսը: Հենց այս պատմությունն էլ 1951թ. դառնում «Ծերունին և ծովը» վիպակի հիմքը: Այս ստեղծագործությունը արժանացել է երկու պարգևի՝ ԱՄՆ-ի գրական բարձրագույն՝ Պուլիցերյան և համաշխարհային նշանակություն ունեցողՆոբելյան մրցանակների:

Կենսագրության ուսուցումը ամփոփել հարցադրումներով :


¹ Հեմինգուեյ, Ծերունին և ծովը

² <https://hy.wikipedia.org/wiki/>



Վեպի և վիպակի տարբերությունը ներկայացնել T–աձև աղյուսակի կամ Վենի դիագրամի միջոցով, այդպես ավելի լավ կտպավորվի հիշողության մեջ:

ՎԵՊ	ՎԻՊԱԿ
Գեղարվեստական արձակի ծավալուն տեսակ:	Վեպից փոքր է, պատմվածքից՝ մեծ:
Լինում են պատմական, արկածային, սիրային և այլն: Կարող է ունենալ հատորներ:	Ավարտուն մեկ երկ է: Գործողությունները վեպի պես ծավալվող չեն:



Կարելի է հանձնարարել գրել «Կենսագրական բանաստեղծություն», ինչը մշտապես հաճույքով են անում երեխաները:

Կենսագրական բանաստեղծություն (լրացնում են աշակերտները՝ ցանկության դեպքում ավելացնելով կամ պակասեցնելով սկզբնաբառերը և հնարավորինս հանգավորում ու ռիթմ ստեղծելով)

Անունն է-

Ծնվել է-

Հայրենիքն է-

Միրում է-

Զգում է-

Վախենում է-

Աշխարհին տալիս է-

Կարիք ունի-

ՄԱՐԴՆ ՈՒ ԲՆՈՒԹՅՈՒՆԸ «ԾԵՐՈՒՆԻՆ ԵՎ ԾՈՎԸ» ՎԻՊԱԿՈՒՄ

- 2.1 Ծերունի ձկնորսի կյանքը, կենցաղն ու փոխհարաբերություններն աշխարհի հետ:
- 2.2 Ծերունին և ծովը, անքակտելի կապն ու հակամարտությունը: .
- 2.3 Միջառարկայական կապերը:


Դասարանը հնարավորության դեպքում կահավորել S2S գործիքներով, որպես դիդակտիկ պարագաներ ցուցադրել վիպակում հանդիպող կենդանիների, աշխարհագրական տեղանքի, ծովի լուսանկարներ, ձկնորսական իրեր և այլն: Ցանկալի է ցուցադրել նաև Այվազովսկու «Իններորդ ալիքը»:

Սովորողներին հանձնարարում եմ գրել 5-րուպեանոց շարադրանք հետևյալ թեմաներից մեկով.

1. Ու՞մ եմ համարում ուժեղ մարդ և ինչու՞:
2. Ի՞նչ ձեռքբերում ունես, որին հասել ես դժվարությամբ:
3. Ինչպիսի՞ն եմ պատկերացնում ուժեղ և ազնիվ մարդուն:
4. Ո՞րն է մարդու իրական հարստությունը իմ կարծիքով:

Ընթերցում ենք պատասխանները:

Կարելի է նաև ձերունի և ծով բառերով մտազրոհ կազմակերպել խթանելու սովորողների հետաքրքրությունը և ներգրավվածությունը:



Ցանկալի է նախապես հանձնարարել վիպակը կարդալ ամբողջապես, իսկ եթե դեռ չեն կարդացել, ապա կազմակերպել ուղղորդված ընթերցանություն՝ կանխատեսումներով և հատվածների մեկնաբանություններով: Ուսուցիչն ուղղորդող հարցերով վերլուծության է ենթարկում ընթերցված հատվածը



Միջառարկայական կապերը գտնելու և ճանաչողական հմտությունները զարգացնելու համար շատ հետաքրքիր հնար կարելի է կիրառել: Ուսուցիչը տեղեկացնում է, որ հյուրեր են ունենալու, որոնք կներկայացնեն տեղեկություններ վիպակում հանդիպող կենդանական աշխարհի, ձկնորսության, աշխարհագրական տեղանունների, անձանոթ բառերի, հերոսների հոգեվիճակների, վիպակի էկրանավորման մասին: Այդ հյուրերն են **բնագետը, ձկնորսը, աշխարհագրագետը, լեզվաբանը, հոգեբանը, ռեժիսորը**: Ուսուցիչը, երեխաների նախասիրությունները հաշվի առնելով, մեկ օր առաջ կատարում է դերաբաշխում և «հյուրերը» նախապատրաստվում են: Նրանք կարող են իրենց տեղեկությունները ներկայացնել սահիկաշարերով, թվային այլ ռեսուրսներ օգտագործելով կամ հարցերին պատասխանելով: Այս հնարը մեծացնում է սովորողների ներգրավվածությունը և հետաքրքրասիրությունը: Օրինակ՝ ձկնորսը ներկայացնում է ձկնորսության պատմությունից հետաքրքիր տեղեկություններ կամ իր փորձից ձուկ որսալու արդյունավետ հնարներ է ցուցադրում: Լեզվաբանը բացատրում է անձանոթ բառերի նշանակությունը և այդպես շարունակ:



ԳԼՈՒԽ Գ

ՎԻՊԱԿԻ ԴԻՊԱՇԱՐՆ Ու ԳԱՂԱՓԱՐԱԿԱՆ ԲՈՎԱՆԴԱԿՈՒԹՅՈՒՆԸ

3.1 Կարդալ վիպակը և պատմել դիպաշարը:

3.2 Մանրամասն և համառոտ պատում:

3.4 Շնաձկան դեմ պայքարի խորհրդանշական իմաստը:

3.5 Ծերունու անհաջողությունը, որը նրա համար բարոյական հաղթանակի է վերածվում:

3.6 «Մարդուն կարելի է ոչնչացնել, բայց հաղթելն անկարելի է»:

Գործողությունները զարգանում են Կուրբայի ձկնորսական փոքրիկ քաղաքում: Սանտյագոն հերթական անգամ պատրաստվում է ծով դուրս գալ: Արդեն 84 օր է, ինչ նա վերադառնում է առանց որսի: Ծերունին ձկնորսություն էր սովորեցնում հարևանի տղային՝ Մանուիլին, որը սիրում էր



ծերունուն: Բայց տղայի ծնողները հիմա արդեն արգելում են իրենց որդուն ծերունու հետ ծով դուրս գալ՝ համարելով նրան անհաջողակ, և ուղարկում են նրան ավելի հաջողակ նավակ: Տղան կարոտում էր ծերունուն, երազում նրա հետ նորից ծով դուրս գալ և հոգ էր տանում նրա մասին. չէ՞ որ Սանտյագոն բոլորովին միայնակ էր ու աղքատ: Նրանք զրուցում էին բեյսբոլի, սպորտային հայտնիների, ձկնորսության և այն հեռավոր ժամանակների մասին, երբ Սանտյագոն երիտասարդ էր և և ձկնորսական նավով նավարկում էր դեպի Աֆրիկայի ավերը: Իր աղքատիկ խրճիթի աթոռին քնած՝ Սանտյագոն տեսնում էր աֆրիկյան ավերը և գեղեցիկ առյուծներ, որ դուրս էին եկել ձկնորսներին նայելու:

Հրաժեշտ տալով տղային՝ վաղ առավոտյան դուրս է գալիս ծով՝ ձկնորսության: Ծովը նրա տարերքն էր, այնտեղ նա իրեն ավելի ազատ ու հանգիստ էր զգում՝ ինչպես ծանոթ ու հարազատ տանը: Նա ծովին անվանում էր «la mar» (կանացի) և երբեք թշնամանք չէր զգում այդ քմահաճ, բայց միշտ ցանկալի տարերքի հանդեպ: Ծովում զրուցում էր թռչող ձկների, ծովային ծիծեռնակների, հսկայական կրիաների, բազմազույն ֆիզալիաների հետ: Այդ օրը մի հսկա ձուկ կուլ տվեց նրա հյուրասիրած խայծը և կեռիկը խրվեց սրտի մեջ: Մնում էր, որ դուրս գար ջրի երես, որպեսզի սպանվեր հարպունով: Բայց ձուկը միտք չունեի դուրս գալու: Նա հզոր ցնցումով նավակը քաշում է իր հետևից և



տանում բաց ծովի խորքերը: Ինչքան ժամանակ, ջանքեր ու համբերություն պահանջվեց Սանտյագոյից, մինչև որ ձուկը ցատկեց մակերես և հայտնվեց իր շլացուցիչ շքեղությամբ: Նա երբեք այդպիսի ձուկ չէր տեսել: Կլիներ մոտ տասնութ ոտնաչափ (5,5 մ.): Նրա սլացիկ մարմինը շողշողում էր արևի տակ: Ուներ մուգ մանուշակագույն գծեր կողերին, իսկ քթի տեղը հսկայական թուր էր՝ բեյսբոլի մահակի չափ երկար և թրի պես սուր:

Ծերունու ձեռքերը պարանը ձգելուց քրքրվել էին, նրա մեջքին նույնպես վերքեր էին, իսկ ոտքերը անզգայացել էին, բայց նա չէր ընկճվում: Նա պիտի բռներ ձկանը, որպեսզի ցույց տար տղային, թե ինչի է ընդունակ մարդը և ինչի կարող է դիմանալ: «Ձուկ, ես քեզ շատ եմ սիրում և հարգում, բայց մինչև երեկո կսպանեմ քեզ», - այսպես է ասում ծերունին հաջորդ օրը լուսադեմին: Հավաքելով իր վերջին ուժերը՝ ծերունին մղում է վճռական ճակատամարտը: Ձուկը պտտվում է նավակի շուրջը՝ սպառնալով շուռ տալ այն: Վերջին ճիգով ձկնորսը հարպունը խրում է նրա մարմինը:



Իր երազանքների ձուկը... Սա հաղթանակ էր: Ձուկը նավակին կապելով՝ կարծեց, թե ինքն է նավակով կցված հսկա ձկան կողին: Նման ձկան համար կարելի մեծ գումար ստանալ: Ժամանակն էր շտապել տուն՝ դեպի Հավանայի լույսերը: Այնուհետև ձկանը կապում է նավակի կողքից և

պատրաստվում իր փառահեղ ավարով վերադառնալ: Ծովում մի քանի օր անցկացնելով՝ ուտում է տղայի տված ձուկը, իր բռնած փոքրիկ ձկներից և հասցնում է մի պատառ էլ հսկայական ձկնից համտեսել:



Դժբախտությունը հայտնվում է շնաձկան տեսքով: Գիշատչին գրավել էր արյունը, որ ծորում էր ձկան վերքից: Հարպունով զինվելով՝ ծերունին սպանում է նրան, բայց շնաձուկը հասցնում է իր հետ ծովի խորքը տանել ձկնից մի կտոր, հարպունն ու պարանը: Ծերունին գիտեր, որ գալու են ուրիշները: Սկզբում ձուկը կուտեն, հետո էլ իրեն: Նա բարձրաձայն խորհում է մեղքի մասին: Մտածում էր, որ միգուցե նա չպետք է

սպաներ այդ ուժեղ, ազնվացեղ ձկանը: Խորամանկությամբ հաղթեց նրան, իսկ ձուկը ազնվորեն կռվեց՝ նրան վնաս չտալով: Ո՛չ: Նա սպանեց ձկանը ոչ թե շահույթի մանր ցանկությունից ելնելով, այլ սպանեց հպարտությունից, քանի որ ինքը ձկնորս է, իսկ նա՝ ձուկ: Բայց ինքը սիրում է նրան, և հիմա նրանք լողում են կողք կողքի, ինչպես եղբայրներ: Այս խոհերի մեջ էր, երբ շնաձկների ոհմակը հարձակվում է ձկան վրա: Նրանք իրենց հզոր ծնոտներով խլում էին մսի կտորները: Ծերունին դանակը կապում է թիակին և այդ կերպ փորձում հեռացնել գիշատիչներին: Սպանում է ևս հինգ շնաձկան, վիրավորում մի քանիսին, բայց նրա ուժերից վեր էր գլուխ հանել ողջ ոհմակից: Հիմա նա շատ թույլ էր նման կովի համար:



Երբ ծերունին խարխափելով հասավ Հավանայի ափը, նրա նավակի կողքին մի հսկայական կմախք կար միայն. շնաձկները ամբողջովին խժռել էին ձուկը:



Մանտյագոն մի կերպ հասնում է իր խրճիթը, պառկում մահճակալին և ձեռքերը պարզած՝ քնում է: Առավոտյան Մանոլինը գալիս է նրա խրճիթը, համոզվում, որ շնչում է, բայց հետո լաց է լինում՝ տեսնելով նրա ձեռքերի վերքերը: Նա ծերունու համար սուրճ և ուտելիք է խնդրում սրճարանի տիրոջից, որը բարի մարդ էր և երբեք

չէր մերժում: Մինչ այդ ափին տեսել էր արդեն կմախքը: Հիմա ձկնորսներն էին հավաքվել նավակի շուրջը և զարմացած զննում էին կմախքը, չափում

երկարությունը: Նրանք այդպիսի ձուկ տեսած չկային: Տղան հսկում էր ծերունու քունը, իսկ նա երազում առյուծներ էր տեսնում:

Թեմայի ուսուցանումը ԿԱՊԿՈՒ երեխաների համար կազմակերպում էմ տարբերակված ուսուցմամբ՝ հաշվի առնելով սովորողի անհատական առանձնահատկությունները:



Միջավայրային և ուսումնական գործընթացի հարմարեցումներ կատարելով՝ պարզեցնում ենք

առաջադրանքները և նպատակադրումները: Կարելի է ցուցադրել մուլտֆիլմը, վիպակի էկրանավորումը կամ նկարների միջոցով ծանոթացնել բովանդակությանը և այլն:

Նպատակահարմար է կատարել խմբային աշխատանք «Քառաբաժան» պարզագույն հնարի օգնությամբ: Հանձնարարել պատասխանները գրել պարզ ընդարձակ նախադասություններով՝ դասը կապակցելով հայոց լեզվի ուսուցանվող թեմաներին:

1.Ի՞նչ էի տեսնում վիպակը կարդալիս:	2.Ի՞նչ ձայներ էի լսում վիպակը կարդալիս:
<ol style="list-style-type: none"> 1. Տեսնում էի անսահման ծովը: 2. Իմ աչքերի առջև պատկերանում էր հսկայական թրածուկը: 	<ol style="list-style-type: none"> 1. Լսում էի ջրի ճողփյունը: 2. Մեր ականջին հասնում էր Մանուկինի հեծկլտոցը ծերունու ձեռքերի վերքերը տեսնելիս:
3.Ի՞նչ էի զգում վիպակը կարդալիս:	4.Ի՞նչն էր կարևորը վիպակում:
<ol style="list-style-type: none"> 1. Ես զգում էի Սանտյագոյի կամքի ուժը, նպատակին հասնելու վճռականությունը: 2.Հասկանում էի ծերունու ապրումները: 	<ol style="list-style-type: none"> 1.Ձկնորսն ապացուցում է իր գործում լավագույնը լինելը: 2. Նա, չնայած ծեր լինելուն, քաջությամբ դիմակայում է իր կյանքի ամենադժվար փորձությանը: 3. Այդ օրվանից Սանտյագոյի հանդեպ հարգանքն ու վստահությունը վերականգնվելու էին:

ԳԼՈՒԽ Դ

ՎԻՊԱԿԻ ԿԵՐՊԱՐՆԵՐՆ ՈՒ ԳԵՂԱՐՎԵՍՏԱԿԱՆ ԱՐԺԱՆԻՔՆԵՐԸ

Թեման ուսուցանելիս ուշադրություն դարձնել հետևյալ հարցերին.

- 4.1. Սանտյագոյի արտաքինը, տնակը, կենցաղը:
- 4.2. Արարքների հոգեբանական շարժառիթները, շրջապատի ազդեցությունը դրանց վրա:
- 4.3. ավատարիմ աշակերտը. երկու սերունդների ներկայացուցիչների անդավաճան ընկերությունը:
- 4.4. Հերոսների զգացմունքները:
- 4.5. Հերոսների զգացմունքները:
- 4.6. Վիպակի լեզուն և ոճը, նկարագրությունների վարպետությունը:

<p>Սանտյագոյի արտաքինը</p>	<p>Սանտյագոն վաղուց այնպիսին չէ, ինչպիսին առաջ էր: Նրա ձեռքերը կորցրել են իրենց նախկին ուժն ու ճարպկությունը, խոր կնճիռները ակոսել են նրա դեմքը, պարանոցն ու ծոծրակը: Մշտական ծանր ֆիզիկական աշխատանքից և աղքատությունից նա նիհարել է և սմբել: Անփոփոխ են միայն ծովագույն աչքերը, «երբեք չհանձնվող մարդու զվարթ աչքերն» ու հզոր ուսերը:</p>
<p>Արարքների հոգեբանական շարժառիթները</p>	<p>Ծերուկ Սանտյագոն սովորական ծերունի չէր: Այս կերպարի մեջ գրողը խտացրել է իր վերաբերմունքը կյանքի, աշխարհի, բնության և մարդկանց հանդեպ: Ծերունու պայքարը նյութական չէ, այստեղ ոգեղենի հաղթանակն է: Միաձույլ բնության հետ՝ նա խորապես զգում է իր միայնակությունը, այդ իսկ պատճառով նրա անհաշտ հոգին մենամարտի մեջ է մտնում բոլոր կարծատիպերի հետ միայն հաղթելու և հաստատվելու համար: Նա չի բողոքում, հուսահատվում, ընկճվում, այլ մշտական պայքարի մեջ է մտնում իրենից ուժեղ երևույթների, բնության տարերքի, հսկայական ձկան, շնաձկների ու իր խեղճության հետ: Նա հպարտորեն պայքարում է, կարելի է ասել, մաքառում է՝ տանելով իր խաչը՝</p>

	ճակատագիրը: «Մարդը նրա համար չէ ստեղծված, որ պարտություններ կրի», - խորհում էր նա:
Հավատարիմ աշակերտը. երկու սերունդների ներկայացուցիչների անդավաճան ընկերությունը: Հերոսների զգացմունքները:	Մանտյագոն կարոտում է տղային: Նա շատ է կարևորում տղայի ներկայությունը իր կյանքում: Նրա մեջ տեսնում է իրեն: «Տղան, այ թե ով չի թողնում, որ մեռնեմ», - մտորում է ծանր պահերին: Այս ընկերությունը նման է նաև վարպետի և աշակերտի հարաբերության: Տղան էլ միաժամանակ իրեն չի պատկերացնում առանց իր ուսուցչի: Դեռ ինչքա՛ն բան ունի նրանից սովորելու: Հիմա արդեն իրեն կթողնեն Մանտյագոյի հետ ծով դուրս գալ: Ինքն էլ նրա համար նոր գործիքներ կսարքի:
Վիպակի լեզուն և ոճը: Նկարագրությունների վարպետությունը	Գրված է պարզ, սեղմ, հարուստ է դարձվածքներով: Ունի փիլիսոփայական բնույթ: Տեքստը կատարյալ է, մեղեդային, ռիթմիկ, համահունչ է ծովի մակընթացությանն ու տեղատվությանը:

Օրագրային գրառում (լրագրողական հմտություն)

Խնդրել աշակերտներին իրենց պատկերացնել Մանտյագոյի կամ Մանոլինի կերպարում և կատարել օրագրային 5- 10 օրվա գրառում: Այս մեթոդը օգնում է աշակերտին կերպարի մտածելակերպի մեջ մտնել և պատկերացնել նրանց կենսակերպը, առօրյան:

Կենդանիների հետ հարաբերություններ (հետազոտություն կենդանիների վարքագծի վերաբերյալ)


Մանտյագոն իրեն հաճախ է համեմատում իր որսած հսկա ձկան հետ և նմանություններ տեսնում իր և նրա միջև:

Առաջադրանք

1. Բացահայտե՛լ այդ նմանությունները և այլ հատկանիշներ:
2. Ի՞նչ կենդանու հետ ես ամենից շատ առնչվում: Ինչպիսի՞ հատկանիշներով եք նման նրան կամ տարբեր: Ի՞նչ ընհանրություն կա ձեր միջև:

Սա փոքրիկ հետազոտություն է կենդանիների և նրանց վարքագծի վերաբերյալ:

Այնուհետև գրատախտակին գծում ենք «Վենի դիագրամ», և երեխաները լրացնում են թե՛ իրենց համար, թե՛ վիպակի հերոսների:




Ի՞նչ ենք նկատում:

Յուրաքանչյուր դասի ավարտին խորհուրդ է տրվում վերլուծական – քննադատական միտքը զարգացնող հարցադրումներով ամփոփել: Կարելի է ձևակերպել, օրինակ, այսպիսի հարցեր.

1. Ո՞վ է ծերունու նախատիպը:
2. Ի՞նչ է կտակել մեզ վիպասանը:
3. Ի՞նչ է տալիս տեքստը ընթերցողին:
4. Ու՞մն է հասցեագրված:
5. Ե՞րբ է էկրանավորվել վիպակը:

6. Տանջում է Սանտյագոյին միայնակ ու չհասկացված լինելու հանգամանքը:
7. Մեր օրերում կան նրա ու Սանտյինի նման մարդիկ:
8. Ինչո՞վ էին առանձնահատուկ Սանտյինն ու Սանտյագոն:
9. Սանտյագոյի հմտությունը բացահայտող դրվագներ ներկայացրեք:

Կերպարի վերլուծության գծագիր (խմբային աշխատանք)



Այս մեթոդը կարելի է կիրառել իմաստի ընկալման փուլում: Առկա ուսուցման դեպքում բաժանել խմբերի և հանձնարարել տասը բոլորում լրացնել և ներկայացնել պատասխանը՝ բարձրաձայն քննարկելով: Եթե նկատում են հակասություն, ապա գրառում են համապատասխան բաժնում: Հաղթում է այն խումբը, որն ավելի արագ է ավարտում աշխատանքը, առկա են բոլոր մասնակիցների ձեռագրերը, և ձևակերպումներում հակասություններ չկան:

Հոգեվիճակի քարտեզ

Այս մեթոդը նպատակահարմար է կիրառել, եթե դասը անցկացվում է հեռավար ձևաչափով: Աշակերտները մեծացնում են պատկերները և Մանուլինի հոգեվիճակը արտացոլող գրառումներ անում:

Զգում է

Մանուլինը զգում է.....

Տեսնում է

Տղան տեսնում է ձկան.....

Վախերը

Մանուլինը վախենում էր, որ ծերունին

Կարոտում է....

Լսում է.....

Եզրակացություն

(առաջարկություններ, թե ինչ կարող էր անել հերոսը իրավիճակը փոխելու համար)

ԳԼՈՒԽ Ե

ԱՄՓՈՓՈՒՄ


Ամփոփիչ դասի ժամանակ նպատակահարմար է կիրառել համագործակցային, պրոբլեմային մեթոդներ՝ կարևորելով խաչվող հասկացությունները, միջառարկայական կապերը: Շատ կարևոր են կշռադատման փուլում ճիշտ հարցադրումները, որոնք զարգացնում են սովորողների քննական- վերլուծական մտածողությունը:

Դասարանը բաժանել վեց խմբի և քարտերի վրա գրել յուրաքանչյուր խմբի առաջադրանքը:

1-ին խումբ՝ «Կապակցող»	Ձեր առաջադրանքն է կապեր գտնել այս ստեղծագործության և իրական աշխարհի միջև: Ընթերցած նյութը շաղկապել անձնական կյանքի հետ, ձեզ ծանոթ մարդկանց խնդիրներին կամ կարդացած ուրիշ պատմությունների հետ:
2-րդ խումբ՝ «Ցուցադրող»	Ձեր հանձնարարությունն է ընթերցած նյութի վերաբերյալ մի պատկեր նկարել և վերարտադրել նկարի միջոցով: Դա կարող է լինել ուրվանկար, գծապատկեր, պաստառ: Մյուս խմբերը կարող են գուշակել, թե ինչ դրվագ է պատկերված կամ ներկայացված: Վերջում խումբը կներկայացնի իր տեսակետը:
3-րդ խումբ՝ «Բառապաշարը հարստացնող»	Ձեր առաջադրանքն է վիպակից գտնել կարևոր,անծանոթ, հետաքրքիր, ինչպես նաև՝ բանալի բառեր և մեկնաբանել դրանք:
4-րդ խումբ՝ «Գրական նյութը լուսաբանող»	Ձեր առաջադրանքն է տեքստում գտնել ու դուրս գրել յուրօրինակ հատվածներ, որ կուզեիք բարձրաձայն կարդալ: Հատվածներ, որոնցում երևում են հերոսների երազանքները, գեղեցիկին հասնելու ձգտումները, ուրիշների կողմից չհասկացվածությունը և այլն: Մեկնաբանել դրանք:
5-րդ խումբ՝ «Հարցերի փունջ»	Ձեզ հանձնարարվում է վիպակի համար կազմել հարցերի ցուցակ: Աշխատե՛ք, որ

	հարցերը շարժեն, աշխատեցնեն միտքը, ոչ թե ունենան ճշգրիտ պատասխաններ:
6-րդ խումբ՝ «Ամփոփում»	Ձեր հանձնարարությունն է կազմել նյութի համառոտագրությունը (օր՝ «Վիպակի կմախքը» մեթոդով) կամ հիմնական մտքերի, գաղափարների սեղմ շարադրանքը (կարելի է ներկայացնել «Փաստերի բուրգ» մեթոդով):

Վիպակի կմախքը



Փաստերի բուրգ



Հարցերի փունջ

Հարց	Ենթադրվող պատասխաններ
<ul style="list-style-type: none"> Ի՞նչ են խորհրդանշում վիպակում ծովը, ծերունին, հսկա ձուկը, շնաձկները, առյուծները: 	<p>Ծովը կյանքն է՝ լի խոչընդոտներով և ձեռքբերումներով: Ծովը կյանքի բեռն է: Ծերունին մարդկային փորձն է խորհրդանշում և միևնույն ժամանակ նրա սահմանափակումները: Առյուծները ուժի, հզորության խորհրդանիշն են:</p>
<ul style="list-style-type: none"> Ի՞նչ գուգահեռներ կանցկացնեք մարդկության հետ: 	<p>Հաճախ ինքնուրույն մեծ ձեռքբերում ունեցող մարդուց խլում են իր «որսը» աշխարհի մեծ «շնաձկները»:</p>
<p>«Ես կարող եմ այնքան ուժեղ չլինել, որքան կարծում եմ... Բայց ես գիտեմ շատ հնարներ»:</p> <ul style="list-style-type: none"> Ի՞նչ է ուզում ասել ծերունին այս խոսքերով: 	<p>Եթե մարդը խելացի է և համառ, նա կարող է շատ բան անել առանց հսկայական ուժի:</p>
<p>«Ավելի լավ է հաջողակ լինես: Բայց ես կնախընտրեի ճշգրիտ լինել: Հետո, երբ</p>	<p>Ծերունին մեծ զգուշությամբ էր նախապատրաստել իր ձկնորսական</p>

<p>բախտը գա, դու պատրաստ լինես»:</p> <ul style="list-style-type: none"> • Ի՞նչ է ուզում ասել ծերունին այս խոսքերով: 	<p>հարդերձանքը: Նա ամեն ինչ արեց, որ մեծացնի իր ուզած բանը ձեռք բերելու հնարավորությունը: Նրա ձեռքի տակ գործիքը չպետք է խափանվեր կամ դավաճաներ իրեն:</p>
<p>«Նա հպարտ տեղավորվեց փայտի դեմ և իր տառապանքն ընդունեց այնպես, ինչպես որ եկավ...»:</p> <ul style="list-style-type: none"> • Ու՞մ հետ է համեմատվում Սանտյագոն այս հատվածում: 	<p>Այս դրվագում Սանտյագոն(Մուրբ մարդ) համեմատվում է Քրիստոսի հետ, որը խոնարհությամբ ընդունեց իր ճակատագիրը:</p>
<ul style="list-style-type: none"> • Ինչպիսի՞ն էր զբոսաշրջիկների վերաբերմունքը: Հասկանու՞մ են տեղի ունեցածը: 	<p>Նրանք ապշած են միայն կմախքի մեծությամբ և բոլորովին չեն հետաքրքրվում ծերունու ողբերգությամբ, որի մասին փորձում է պատմել վիպակի հերոսներից մեկը:</p>
<ul style="list-style-type: none"> • Ո՞ւմ էր հաճախ հիշում Սանտյագոն դժվար պահերին: 	<p>Հիշում էր Մանոլինին (Էմմանուել – Աստված մեզ հետ է) ու ավստում, որ իր հետ չէ:</p>

Տեքստի վերարտադրման այլ ձևեր

Քարտային աշխատանք

Տեքստից ինձ հայտնի է	Եզրակացնում եմ
«Թեկուզ և անարդար բան է դա, բայց ես ցույց կտամ նրան, թե ինչի է ընդունակ մարդը և ինչի կարող է դիմանալ»:	Մրանից հետևում է, որ.....
«Ափսոս, որ հեսանաքար չունեմ, պետք է հետո հեսանաքար բերեի»:	Այս խոսքերը հուշում են, որ.....
«Անմտություն է հուսահատվելը, մանավանդ որ դա կարծեմ թե մեղք է»:	Սա կարող է նշանակել, որ....
« Ձկնորսությունը սպանում է ինձ ճիշտ այնպես, ինչպես որ չի թողնում՝ մեռնեմ: Տղան. ա՛յ թե ով չի թողնում, որ մեռնեմ»:	Այս մտորումները հիմք են տալիս ենթադրելու, որ.....
«Շատ ծեր եմ, որպեսզի կարողանամ մահակով շնածուկ սպանել: Բայց կկոպեմ նրանց հետ, քանի դեռ թիեր ունեմ, մահակ ու դեկալժակ»:	Այս տողերում բացահայտվում է....

Աշակերտներին բաժանել նմանատիպ բովանդակությամբ քարտեր իմաստի ընկալման և կշռադատման փուլերում:

Այս աշխատանքը կարևոր է գրավոր խոսքի զարգացման համար: Երեխաները սովորում են եզրահանգումներ անել՝ որոշակի ձևակերպումներ օգտագործելով:

Ամփոփիչ դասի ժամանակ նախընտրելի է կազմակերպել նաև բանավեճ, օրինակ, հետևյալ թեմաներից մեկով.

1.«Կարելի՞ է արդյոք Սանտյագոյի ձեռնարկումը հաջողված համարել»:

2.«Այդպիսի վճռականությամբ ու արիությամբ օժտված մարդն ինչո՞ւ է թշվառ պայմաններում ապրում»:

Տնային հանձնարարությունները կարող են լինել բազմաբնույթ՝ հարցարանային, որոնողական, վերլուծական, նախագծային, ստեղծագործական: Թեմայի ուսուցման ընթացքում թեստային կամ հարցարանային եղանակով ստուգել սովորողների գիտելիքները, վերլուծել արդյունքները և անհասկանալի կետերը առանձնացնելով՝ համապատասխան փոփոխություններ կատարել դասի հետագա պլանում: Ստորև ներկայացնում են նաև այլընտրանքային առաջադրանքներ, որոնք կարող են հետաքրքրել երեխաներին:

Նախագիծ «5 օր»

Վիպակը պատմում է Սանտյագոյի և Մանոլինի կյանքի 5 օրվա մասին:

1. Արձանագրե՛ք ձեր կյանքի և արկածների 5 օրերը (դպրոցում, տանը):

2. Յուրաքանչյուր աշակերտ թող գնահատի իր կյանքի այդ 5 օրերը՝ տեսնելու, թե արդյո՞ք նմանություններ կան վիպակի հետ:

Այս նախագիծը կօգնի հասկանալ՝ արդյո՞ք իրենք կարող են ավելին անել մեկ օրում. դա կօգնի դպրոցում և առհասարակ կյանքում ճիշտ գնահատել ուժերը:

Կոլաժ

Սանտյագոն նավակի վրա ուներ իրեր, առանց որոնց նա չէր կարող անել որոշ բաներ: Մի քանի իրեր նա կարող էր դնել նետել, բայց ամեն դեպքում պահում էր:

1. Գույքագրե՛ք ձեզ շրջապատող իրերը. արդյո՞ք պետք են դրանք ձեզ: Ինչո՞վ են կարևոր: Կոլաժ ներկայացնել, կամ բերել այն իրերից, որոնք կարող էին չլինել, բայց դրանք կարևոր են ձեզ համար: Նաև ցույց տալ այն իրերը, առանց որոնց չէք կարող պատկերացնել ձեր կյանքը:

Սանտյագոյի մոտ այլևս գործիքներ չէին մնացել, որ կովեր շնաձկների դեմ, բայց նա դեռ ուներ դեկալձակ, թի և մահակ:

2. Կարո՞ղ ենք կիրառել մեզ շրջապատող իրերը ոչ ըստ նշանակության, եթե դրա անհրաժեշտությունը լինի (եղե՞լ է այդպիսի իրավիճակ, բերե՞լ օրինակներ):

Անդրադարձ

Այսպիսով, «Ծերունին և ծովը» վիպակի ուսուցման բազմաբնույթ մեթոդիկան թույլ է տալիս բոլոր սովորողներին (այդ թվում՝ ԿԱՊԿՈւ) ներգրավել ուսումնառության մեջ, իրականացնել շերտավորված աշխատանք՝ հաշվի առնելով սովորողների անհատական առանձնահատկությունները: Շատ կարևոր է անդրադարձը, հետադարձ կապը՝ թերությունները շտկելու, ձեռք բերած գիտելիքները ամրապնդելու, ստեղծագործաբար աշխատելու համար: Հույս ունեմ, որ այս աշխատանք որոշ չափով կօգնի սկսնակ ուսուցիչներին գրական տեքստ ուսուցանելիս նորագույն մոտեցումներ կիրառել և առավել մեծ արդյունքի հասնել:

Օգտագործված գրականության ցանկ

1. Հանրակրթության պետական չափորոշիչներ և ծրագրեր
2. Էռնեստ Հեմիգուեյ, «Ծերունին և ծովը», 2008
3. Դավիթ Գասպարյան, «Գրականություն», 8-րդ դասարան
4. Թամար Ալեքսանյան, Տեքստի վերարտադրման ձևերը
5. Ազատ հանրագիտարան
6. Edu Armenia <https://www.eduarmenia.org/>